

**ጅብሀት ሽዕብዮት እግል ዲፕሎማቲካዊ ወዕዳለት  
(ጀርመን)**

**እት ክልወሬሕ ለፈግር ክቲብ እግል ሐሽምት ጀርመን**

**ግርሰ፡ 2022**

**ሽሁሁዳን እብ ሰባተትን ወመዐጸምን ልትረሸዶ!!**

**መክተብ ሕሰር ሲያሰት**

**31 ግርሰ 2022**

**እት ክልወሬሕ እግል ሐሽምት ጀሽዲዐ ለቀርብ ክቲብ**

**አጀንደት፡**

1. እት ክልወሬሕ ለፈግር ሐብሬ
2. ቴለል ሐሽም
3. ቴለል ውሕደት (አሃዱ)
4. ቴለል ድዋር
5. ዐገብ ወአትዐገቡት ነፍሰ

**1. ናይ እሊ ወሬሕ ሐብሬ፡**

**1.1 ቴለል ኡቶብዩ አዋይት ወተክሲሩ**

እትለን ለሐልፊዩ ሐዳት አውርሐት እት ቴለል ኡቶብዩ እብ ዓመት ወቴለል ወያኔ ህዩ እብ ፍንቲይ፣ እንዴ አቀደመ መሰኢት ለገብእ እቲ፣ ሰሩ ገሌ ህዩ ዲብ አፍካር ብዘሐም ለይዐለ ዐመልያት ወተቃዩር ትረኡ። እት ዳረት ዐስከርየት (መጃል ዐስከሪ) ለትረኡ መትቃዩር ሻፍግ እብ ቀሊሉ እግል ትንምሙ ለትቀድር ዐለ። ሰበት እሊ ህዩ ዲብለ ሐልፊ ናይ ወሬሕ ዐስር-ሐቲ ክቲብእ እግል ሐሽምት ጀሽዲዐ እሊ ለተሌ ናይ ተቅዩም ተሕሊል ቃርብዐለ።

እት መጃል ዐስከሪ፡ ለትፈትሐ መትቃዩር ሻፍግ፣ እብ ቀሊል እግል ትንምሙ ለትቀድር ዐለ። ሰበት ገብእ ህዩ ዲብለ ሐልፊ ወሬሕ ዐስር-ሐቲ፡-

“ወያኔ ምድር ፋዴሕ ምንመ ራቅብ ሐለቲ ሕድትት ተ። ምን ትግራይ አምአት ኪሎ-ሚተራት እንዴ ሬመ ዲብ ፍንንጊለ ክም ዕድዋኑ ለልሐሰቡ ገባይል ሸቲት ሰበት ህለ፣ እት መደረት ዐባይ እንዴ ከረዩ እብ ግረ ህጃማት እግል ልሳድፋ ቀድር። ሰበት እሊ፡ ለትራዩመ ሸፍ እግል ልክህል ኢቀድር።”

ለቴለል ብዘሕ ለኢልክልጥ ምንመ ዐለ፣ ወያኔ ወዲቡ ሰእየት ዋድያም ለዐለው ቅዋት ምውዳቅ-ጸሓይ፣ ሸንህቶም ወመግህፎም እግል ሬክባይ ዕንታቶም ሰበት ደፍነ፣ ለጆሬ ቴለል እግል ልፍሆሙ ወልእሞኑ ኢልሐዙ።

ምን አዲስ አበባ ሐድ 180 ኪሎ-ምትር ለትረይም መዲነት ደብረሲነ ለበጽሐት ሐለት ወያኔ፣ አዲስ አበባ እንዴ ጸብጠት ምስለ እግል ትርኢኒ ወገልቡብ ለልትነፊዕ እቦም ዲብ አሚሪክ እብ ሰሚት ቅዋት ‘ፈደራሊስት ወከንፈደራሊስት’ ለአሰሰዮም ሚዛን ለአለቦም ሐሽምት ሕኩመት ሐዳስ አሰሰ። ክሉ እግል ልዘመቱ ለቀድር መምተለካት ዲብ መቀሌ እንዴ አግዐዘ፣ አሰሰት ናይ ዐባይ ትግራይ እት ለአውጅ ትረኡዩ። ምናተ፣ ዲብ ወሐል ክምሰል ትረወክ እንዴ ትረሰዐ አፋሁ ማይ እንዴ መልኡ፡-

- ገድም እት ምድር ዲብ ገጽን ለትብጥር ሐለት ይህሌት
- ዴሽ ኡቶብዩ ትደመረ ወሕኩመት ሰበት ትፈለለት፣ ምስል መን እግል ንናቅሽ፣ ንቃሽ ወቅቱ ሐልፊ
- ዴሽ ኤረትርዮ ምን ባድሚ ወብዕድ ድዋራት ኤረትርዮ ሐቆ ኢፈግረ አሰመረ እግል ንጽብጥ ቱ እት ልብል ትፎፈለ። (እሊ ወያኔ ለቤለዩ፣ ወያኔ ልሰዕ ለተህዩብ ፍርድ ሕዱድ ክምሰል ኢልሐሽም ለለአትፋቅድ ቱ)

**አሚሪክ እብ እንክረ፡-**

- አዲስ አበባ ዮም አው ፈጅር እግል ትትጽብጥ ቱ፣ ኸጥ ዋያራት እግል ልብጠር ሰበት ቱ ውላድ ካርጅ ለገብኡኩም እብ ሸፋግ ፍገሮ
- (እግል መሰኢሊን ሕኩመት ኡቶብዩ ህዩ ተለፎን እንዴ ወደው) እብ ሸፋግ ህረቡ፣ እግል ንሰዴኩም እንቀድር

እት ትብል በህጃት ወእርዕዳይ ትሸርፍ ጸንሐት።

እብ ዐመል ህዬ፡ መባጺሕ ዐስከሪ ናይ ወያኔ እግል ልትወወት እንሰኤ ትቤ፡ እግል ክራም እብ ትሉሉይ መምርሒታት ወሐብሬታት ዐይን ውበዕድ ሰዳይት ሀበት።

ምናተ፣ ምራድ አሜሪካን ወወያኔ እግል ልትመም ኢቀድረ።

ቅዋት ድፈዕ አቶብዩ - በህለት ዳሽ ፈደራል ወፍንቲይ ቅዋት አምሐረ ወዐፋር ዲብ ወሬሕ ዐሰር-ሐቲ 2021፡ ድድ ህጃም ላቲ ሸፍ እንዴ ነስአው፡ እት ቀበት ሳምን እግል ዳሽ ወያኔ መጅብ ምን ክሉ ምድር አምሐረ ወዐፋር አፍገረው። እግል ልጋብህ ለጀረበ ዳሽ ወያኔ ህዬ ክሳር ክብድት አጅረው እቲ። ክምሰል ትክርደን እንዴ አመረ እግል ለአንሰሕብ ለጀረበ ዳሽ ወአሰለሐቲ ክቡድ ህዬ፡ እብ ጥያራት ወድሮናት ተውሳክ ከሳር ሳደፍቲ።

እት ክእነ ናይ ዐውቴ ቴለል፡ ሕኩመት አቶብዩ አወላይ ገጽ ናይላ ህጃም ክምሰል ተ'መ፡ እግል ሰላም በክት እግል ተሀብ ክምሰል ተሐዜ፤ ዲብ ምድር ትግራይ እግል ትእቲ ሰታት ክምሰል አለበ አወጀት። እብ መጦት እለ፡ መስኡሊን ዐስከርየት አቶብዩ - ናይብ አርካን ሰታፍ ጀኔራል አበበው ታደሴ ዲበ ወደዩ መቃብለት ለለትሐዜ መትዳላይ ክምሰል ገብአ ካልኣይ ገጽ ናይላ ህጃም እግል ልትሉ ክምሰል ቲ፡ ትግራይ ምድር አቶብዩ ሰበት ገብአት፡ ዳሽ አቶብዩ እግል ልእቲ ዲበ ሐቅ ክምሰል ቡ አከደ።

ድድ ህጃም ላቲ ሸፍ ቅዋት ድፈዕ አቶብዩ ዲብላ ሐልፈ ወሬሕ ዐሰር-ክልኤ ምን በጥር ወእንሰር፡ ክልኢቶም ለእንክር - በህለት ፈደራል ወወያኔ ዳሽ ሐዲስ እት ደረቦት ወለዐለ እግሎም እት አተረዶት ውበዕድ ለአትሐዜ ለበለው ጋራት እት ወዱ ጸንሐው። ዲብ እለ እብ መቃረት ዲብ እለ ናይ ዕርፍ ወቅት ወያኔ መዳፍዕ ውበዕድ ክቡድ አሰለሐት እንዴ ትነፍዐ እት ምድር ዐፋር ጀወ እንዴ አተ እብ አምኣት ለልትዐለቦ መዋጥኒን ሸዕተረ።

ሲያሲያይ ወዲብሎማሲያይ ወራታት ወተጠውፋ

ቴለል ዐስከሪ እብ መቃረት ሃድእ እተ ጸንሐ እቲ ወቅት፤ ዲብ ሲያሲት ወዲብሎማሲየት ብዘሕ መሰኢት ለኢገብአ እቲ፡ ገደት ለሰሕበ ተቃዩር ልትርኤ ህለ። እት ሂለል ወሬሕ ሐቲ፡ ዲብ መሸአጎ ልደት፡ ሕኩመት አቶብዩ እት ሐርብ እንዴ ትጽብጠው ሰጁናም ለዐለው ማርሐት ወያኔ ወእተ ክምሰልሁም ህዬ ማርሐት መትቃውመት ኦርሞ ወአምሐረ ዐጠቀት። ብዘሓም አቶብዩን አሰክ ዲብ ደረጀት መስኡልየት ለህለው፡ እግል እለ ምሰዳር ሻፍገት ትቃወመው። ሕኩመት አቶብዩ እንዴ አትሉት፡ ወራር ወያኔ እግል ጋብሆት እት ወሬሕ ዐሰር 2021 ለአወጀዩ ሓለት ጠዋሪ ረፍዐቲ። እብ ተውሳክ ምሰል ወያኔ ዱቅሪ ለልትጽብጥ ምንመ ኢገብእ፡ እግል አቶብዩን ፈናቲ ወለኣትብእስ ለህለ አሳሲያይ ጋራት (ደሰቱር፡ ሲያሲያይ ወካልእ ጋራት) ናይ ሕበር መፋሂም እግል ክልቀት ዳረት ንቃሽ ወጎማት እግል ተአንቡት ትዳሌ ጸንሐት ወእግለ ንቃሽ ለትመርሕ መፈውድየት አሰሰት።

እለ ክእነ እት እንቲ፡ አሜሪካ እብ ገበይ ርኢስ ኬንዩ አሁሩ ኬንያተ፣ ናይ እትሓድ አፍሪቀ ወፍድ ለዓል እንዴ ትብህለ ልትዩመመ ርኢስ ናይጄርየ ለዐለ ኦሌሰጉን አሳሳንጅ እብ ሕኩመት አቶብዩ እጃዘት እንዴ ተህየቡቲ፤ ምን አዲስ አበባ አሰክ መቀሌ እት ለአትቃብል ምሰል መስኡሊን ሐሽም ወያኔ ምን ልውሕድ ሐምሰ ዶል ትዋጅሁ። ፍንቲያም ለኣይክ አሜሪካ ጄፍ ፍልትማን ወእግሉ ለቀየረ ዲቪድ ስትራተሬልድ ህዬ፡ ምሰል ርኢስ ውዘረእ አቢ አሕመድ ውበዕዳም መስኡሊን ሕኩመት እብ ትሉሉይ እንዴ ትዋጅሁው እብ ክሱስ አብጠርት ሐርብ፡ ራድኢት ዲብ ትግራይ እግል ትእቲ፡ ዲብ ትግራይ ባጥር ለዐለ ከደማት ካህረሀበት፡ ባንክ፡ ተለፎን ምን ሐዲስ እግል ልትአንበት ወእተ ክምሰልሁም እብ ክሱስ ሐል ኑብራይ ሀድገው። ምን እለ ወኬን ርኢስ አሜሪካ ጅ ባይደን እት ርኢስ ውዘረእ አቶብዩ ተለፎን እንዴ ወደ እብ ክሱስ እለ ለትሸርሐ ጋራት ሀድገ።

እንዴ ተለ፡ ዲብ ዮም 24 ማርሱ፡ ፍንቲይ ልኡክ አሜሪካ ስትራተሬልድ አዲስ አበባ እትለ በጽሐ እቲ ወቅት፡ ሕኩመት አቶብዩ እግል ገቢል ትግራይ ለትከፌ ራድኢት እግል ትንደእ ዲቡ ለከሰሰ ጋር ክምሰል ቲ፡ እንዴ ሸርሐት፡ እግል እለ ቴለል እለ ሓለት እግል ትጥፈሕ እግለ ኢትሐደደ ወቅት ዘብጥ

እግል ተአብጥር ክምሰል ቱ አወጀት። ሐቆ ወቅት ሑድ ህዩ ወያኔ ‘ሽዑብ ትግራይ ራድኢት ካፍየት እግል ትምጽኡ’ ሐርብ ክምሰል አብጠረ ሸርሐ። እሊ ሸሬሕ እሊ ምንመ ፈግር፤ ለእት ፍንጌህም ለጸንሐ ሸክ ወሸክዋት ላቱ ኢብጥረ።

እት ቀበት ክእነ ለመሰል ዐሰከርያይ፤ ሰያሲያይ ወዲብሎማሲያይ ተጠውር፤ ሙብደእ ናይላ አግደ መመሰሊን ሚ እግል ልግበእ ቀድር ገብእ? ለእሙር ናይ ኤረትርየ መፋሂም ወመካይድ ግረ እንዴ አጽንሐኑ፤ ናይ ሕኩመት አቶብዩ፤ ወያኔ፤ አሚሪክ ወሰብ ሸርኩተ መባጽሕ ወእስትራተጅያይ ዐገል ሚ ክምሰል መሰል እግል ንቀድም።

**ሕኩመት አቶብዩ**

ዲብ አቶብዩ እት ፍንጌ ሽዑብ ውብዕዳም በንብኖም ቅዋት ሌጠ እንዴ ኢገብእ፤ እት ፍንጌ መአሰሳት ሕኩመት ወለ ሚርሓይ ሕዙብ ‘ብልጽግነ’ ለትፈነተ ቤለ-ቤለው ወሕድ ለኢናሰብ መፋሂም ክምሰል ህለ እንዴ ኢንትረሰዕ፤ ሕኩመት አቶብዩ እሎም ለተሉ ሰለሰ መባጽሕ ክምሰል ህለው እግል እግል ንሸረሕ እንቀድር።

**1. ብቆት ወያኔ ንወትት**

ወያኔ ለትመክርሀ አባይ አቶአብዩ ወንዛም ብልጽግነ ክምሰል ቱ፤ ሕኩመት አቶብዩ ኢብዴ ምን። እሊ ክራም እሊ ሐሊት ዐሰከርየት ሐቆ አተረደ ወበክት ሐቆ ረክቤ፤ እብ ፍንጌይ ህዩ ምሰል ሱዳን ለልትጃፈር ምድር ወልቃይት ውሑመረ እንዴ ጽብጠ፤ ሴፈ ወሰለሕ እግል ለኣቱ ሐቆ ቀድረ፤ ሰዳይት ናይ አሚሪካ፤ አርቤ ምሰር ውብዕዳም እንዴ ትወሰከ እቱ፤ ብቆት እግል ለአጅሬ ሰበት ትቀድር፤ ሕኩመት አቶብዩ እሊ ብቆት እሊ እግል ሸክት መትዳላየ ተአተላሌ ህሌት። ሐሊት ዴሽ እግል አተረዶት፤ ለዐለ ዴሽ እግል አተረዶት ወንዘሞት ትከድም ህሌት። እምበል እሊመ ብዘሓም ሐዳይሰ ትደርብ ወናይ ሐርብ ቅድረቶም ተአተርድ ህሌት።

ክምሰለ እንዴ አቀደምን ለሸርሐናሁ፤ ካልኣይ ዙር ህጃም እንዴ ወዴት ወእግል ወያኔ እንዴ ፈለት ትግራይ እግል ትጽብጥ ክምሰል ተሐዜ ይሑብዐት። እብ መጦር እሊ ህዩ፤ አሰክ እሊ ምሰል ወያኔ ህድግ ዱቅሪ ምንመ ኢትአነብት፤ ክሉ ረአሱ እግል ትእዘም ምኑ ክምሰል ኢትቀድር ላተ ተአትዋይን። ህድግ እግል ትውዴ ክምሰል ትቀድር እብ ገበይ ርአሲ ውዘረእ አትአመረ ከህሌት። እሊ አሚሪክ ለከድመት ዲብ ዐመልየት ክልኢቶም ለእንክር ዲብ መፋሂመት አብጥርት ዙብጥ እብጽሑቶም ህሌት። ሕኩመት አቶአብዩ እሊ ምሰዳር እሊ እግል እንዴ አትሌና ለእንሸርሐም ክልኢት መባጽሕ ኔፍዳይት ክምሰል ተ ተአምን፤ ለጋር መፍሁም እት እንቱ፤ ተአሲረ እት ሸክት ብቆት ወያኔ እብ አዜ ለልትርኤ ቱ።

**2. ሓዩት ናይላ እብ ሰብ ሐርብ ውብዕድ አሰብ ለትደመረ እቅትሳድ አቶብዩ**

ሕኩመት አቶብዩ እብ ሰብ ሐርብ ውብዕዳም መታክል ዲብ ረአሰ እቅትሳድ አቶብዩ ወመንበረት ገቢል አዘ ክብድት ጃርየት ክምሰል ህሌት፤ እሊ አዘ እሊ እግል ሸክት ወጋብሆት ግረ ለጸንሐ ጋር ክምሰል ኢኮን እብ ትሉሉይ ለሕኩመት ትሸሬሕ ጸንሐት። እብ አማን ህዩ እብ ሰብ ሐርብ ወያኔ ለጀረ ደማር እቅትሳድ ቀሊል ኢኮን።

- እሊ ህዩ፤ እት መትዛባይ ሰለሕ ቀናብል፤ ሴፈ፤ ጃዝ፤ ውብዕድ ምህም ላቱ ጋራት ለፈግረ ማል ሰኒ ብዙሕ ቱ። (አቶአብዩ ምን ኤረትርየ፤ ኢማራት ውብዕዳት ድወል ሰዳይት ምንመ ረክበት)
- እብ ሰብ ሐርብ ለትደመረ መምተለካት ወመአሰሳት፤ ለተህንአ ወለሐውነ ናይ ዐማር በራምጅ፤ (ዝያደት ህዩ እት ቅሊም ትግራይ፤ አምሐረ ወዐፋር) እብ ቢልየናት ለልተመን ቱ።
- አሚሪክ ምሰል ሰብ ሸርኩተ ደቅጥ እግል ትውዴ ለነሰአቱ ምሰዳራት- እግል አቶብዩ ምን መምተለካት እምበል ደራይብ እት አሚሪክ እግል ልእቱ ለሰመሕ እግል እብ ኣጎወ ለልትአመር ውፋቅ አፍገርተ፤ እግል ትትህየብ ብርምጅት ለዐለት ሰዳይት ወሰሉፍ አብጠርት፤ ደንገርት ናይላ ቀደም እሊ ሰምሕት ለዐለት ሰዳይት ወሐዳሰ ሰዳይት ኢሂበት - እብ ደረጀት ዐባይ እት ሰዳይት ናይ ካርጅ ለተንከበ እቅትሳድ እግል መንበረት ገቢል ሰኒ ወአማን አዘዩ።

እሊ ደማር ክቡድ ናይ ሐርብ ሰኒ ወአማን ለለአኩባዱ ተውሳክ አሰባብ ብዕድመ ዐለ። መታክል ዳይም እቅትሳድ ናይሊ ደውለት፣ ለሀላ እግሊ ዕዳይ፣ አቅሩዱ ለትደሀረ ፈሳድ፣ ገሽለት ከሮ፣ ጅፋፍ ክም መሰል እግል ልትሸረሕ ቀድር።

**3. ምሰል አሜሪካ መትግራይ ወሰባቀትክ አተረዶት፡**

አቶብዩ እት ዘበን ሀይሌ ሰላሴ፣ ደርግ ወወያኔ አግደ ዘኩብ ናይ አሜሪካ ዐለት። ድወል ምፍጋር-ጸሓይ የምአለበ ሰዳይት ወድየ እግሊ ወጀራይመ ገልብበ እግሊ ዐለየ።

እት ሰነት 2018 ተቅዩር ክምሰል ገብአመ፡ ድወል ምፍጋር-ጸሓይ ዲብ ወዘር ውዘረእ አቢዩ አሕመድ መስኢት ሰበት ወደየ፡ እት ለሐምዳህ፣ ጃኢዘት እት ሰርግያሁ ወእግል አቶብዩ ሰዳይት ዛይደት እት ወድየ ትረአየ። እብ ገቢይ አቶብዩ ወአቢዩ እንዴ አበለየ ኤረትርየ እግል ለአጅግሐ በርናምጅ እንዴ ኤተዩ ተሐረከየ። እሊመ ልግበእ እንድኢኮን ለእግል መደት 30 ሰነት ለከድመየን ክራም ወያኔ እግል ልጠልቃሁ ዱሉያት ሰበት ይዐለየ ምሰሉ እግል ልሸቀየ፡ ሰዳይት እት ወድየ እግሊ ወእትልዳፍዐ እግሊ ከድመተን አተላለየ።

አከይ-መቅሬሕ ሕኩመት አቶብዩ ወወያኔ እንዴ ትደቀበ እት ደረጃት ሐርብ ክምሰል በጽሐ፣ መሳደየት አቶብዩ ወኤረትርየ እት ዐመል ክምሰል ተርጀመት፣ መፋሂም አሜሪካ ወሰብ ሸርኩተ ትቀየረ። እግል አቢዩ ወሀቱ ለመርሐ ሕኩመት ምን እዴሆም ለፈግረት ኤዘያይት ወሐዋኒት እንዴ ነሰአወ እግል ለአትሐወ፣ ስያሰት ቀየሮት ሕኩመት (Rigim Change) እንዴ ከጠጠው እብ ክለ ሐሊቶም ከድመው።

እሊ ዲብ ስያሰት አሜሪካ ለትረአ ተቅዩር ዐቢ ወአዋይት እግል ሕኩመት አቶብዩ በሀጀት ክልቀ ዲቤ። ሰበት እሊ፡ ዕላቀተ ምሰል አውቶብዩ አሰኻት ወደቅዎ አቅለሎት ክም ዎሮት ምን አግደ ታክያት መግጽሐ እንዴ ነሰአቱ፡ ምሰል አሜሪካ ትሉሉይ መትራካብ እት ወዴ ወአሜሪካ ለትጠልቡ ገሌ ምሰዳራት እት ትነሰእ ጸንሐት።

**መጽሕ ወያኔ፡**

ወያኔ እት ወሬሕ ዐሰር-ሐቱ 2020 ለሀረሰዩ ሐርብ፣ ልግበእ ወዲብ ደንጎበ ናይሊ ሐልፈት ሰነት አዲስ አበባ እግል ልጽበጥ ለጀረበዩ ህጁማት፣ ኢሰልጠ እግሊ እንድኢኮን፣ ለአግደ ሀደፋ ኢቀየረ። እብ ድግማን አቶብዩ እግል ልራቅብ ወልምለክ ክም ኢቀድር ሰበ ለአምር፣ ሕልሙ እብ ግብለት ምሰል ረየ፣ እብ ምውዳቅ ጸሓይ ምሰል ሱዳን ለልትጃፈር ወልቃይት፣ ጸገዴ ወሐመረ እንዴ ጸብጠ ሕር ላተ ደውለት ትግራይ እግል ለአሰሰ፡ በክት ወሐለት ክምሰል ረክበ ህዩ እግል ኤረትርየ እንዴ ወረ እብ ተማመ አው ሰረ እንዴ ጸብጠጠ ባብ መንግሥት በሐር ለበ ዐባይ ትግራይ አሰሰት ቱ። እሊ እምበል እብ ሐሊት እብ ብዕድ በሰር እግል ልግበእ ሰበት ኢቀድር፣ እት ረአሰ ገቢል ወሸባብ ትግራይ ቀደም እሊ ለጀረ ደማር እንዴ ኢልዐጅቡ፣ ዐሰሮታት ኣላፍ ሸባባት እብ ሐሊት እት ለዐሰክር ወደርብ እብ ሰዳይት መናቤቱ ተውሳክ ጽዋር እብ ሕብዔ እት ለአቱ፣ እግል ሳልሳይ ዙር ሐርብ ልትዳሌ ህለ።

እብ መጦር እሊ፡ ክምሰል አመሉ ለቤለዩ ጋር እት ወቅት ሐጨር ኖሱ ለአከርቡ እንድኢኮን፣ ወቅት እግል ልክሰብ እንዴ ቤለ እብ ሰሜት ራድኢት፣ ጃዝ (ኔዳይ ዜድ)፣ ግሩሽ፣ ሴፈ ውብዕድ እግል ልጅቀፍ ዲብሎማሰያይ ወናይ እዕላም መካሰብ እግል ልርኩብ ሐዘያይ ሰላም ወሐል ሰላም እንዴ መሰለ ልትደራኬ ህለ። ለአቀርቡ ለሀላ መጣልብ ተናዘል ለኢገብእ እቱ፣ እግል ትትዐደዩ ለኢትቀድር ሽጥ ቀይሕ ለልብሉ፣ ሰለሰ መጣልብ ህለየ እግሊ። ህተን ህዩ፦

- ዴሽ አቶብዩ ዲብ ትግራይ እግል ልእቱ ክምሰል ኢልአጅዘ፣ ዴሹ ህዩ ምሰል ታመት ዕንዳቄሁ ወቅድረቱ እግል ልጸንሕ ክምሰል ቱ፣
- ምውዳቅ-ጸሓይ ትግራይ እንዴ ቤለ ለሰምዩ፣ ዲብ ሕዱድ ሱዳን እግል ልትመደድ ለለቀአድሩ፣ ምን ኬን ነሀር ተክዜ ለሀላ ወልቃይት፣ ጸገዴ ወሐመረ ለኢልትፈረሰ ምድር ትግራይ ሰበት ገብኦ፡ ሕኩመት ፈደራል ወአቅለም አምሐረ እግል ልትወርከው ምኑ፣



- ዳሽ ኤረትሮፕ ምን ባድሜ ወብዕድ እብ ቀራር ሕዳድ፣ ምድር ኤረትሮፕ ክምሰል ቱ ለትፈረደ አካናት እንዴ ሓበርኩ፣ ምን 'ክሉ ምድር ትግራይ' እግል ልፍገር ህለ እግሉ፤

እሊ ሸርጥ እሊ እግል መትከባት፣ ትግራይ እብ ዐመል ሕር ወሲያደተ ለሐፍዘት ደውለት ክምሰል ተ አትአመኖት ሰበት ለአትሐዜ፣ ገቢል ወሕኩመት አቶብዩ ህዩ ክልሰል ነኩሩ እመር ቱ። ወያኔ እሊ እት ለአምር፣ ምን ለሐሰብዩ ሕልም ኢቢደሎቱ እግል ጀላብ ትልህዩ ስያሰት ለትሰረረተ፣ ናይ አማን ምራድ ናይ ሰላም ክምሰል አለቡ ለለአርኤ ቱ።

**መባጽሕ አሚሪኩ**

እሊ ለተሌ ንቃጥ ለቡ መባጽሕ አሚሪካመ ኢትብደለ፡-

- መሳደዩት ሰላሰዩት ናይ ኤረትሮፕ፣ ኢትዮጵያ ወሰማል ሐንፊጮት (ፈርተካት)፣ እግል ሶማል ምን ኤረትሮፕ ወአቶብዩ ፈንተዮት።
- እት ረአሰ አቶብዩ ደቅጥ እንዴ አተረድከ አደበ ሐቆ አሰኔት፣ ሰዳይት እግል ሂበት ቆል እንዴ አቴኩ፣ አሚሪክ ለተሐዘዩ ሰለል ክምሰል ትጽብጥ ውድዮት፤ (አሚሪክ እት ቀደም አቶብዩ ተአተህንጦጥሉ ለህሌት መትናየቲ፤ ዲብ ውፋቅ አጎወ ብልሰት ቱ። ድንግርት ወምንዕት ለጸንሐት ሰዳይት ወሰሉፍ እብ ሸፋግ ክምሰል ልትህዩበ ወድዮት፣ እብሊ ህዩ ዕላቀት አቶብዩ ወአሚሪክ ክምሰል ትሰኔ ውድዮት። እብ ድድ እሊ አቶብዩ ክመ ህሌቱ ሐቆ ሰብተት፣ እግል 'ለአመሰክን ለቀድር ሐዘር (ምንዕ)' ክምሰል ልትጸበረ እግል አሸርት፣ ዲብ መጅልሰ አሚሪክ ይማም ዓም ቀራር ሐዘር እት ረአሰ አቶብዩ ወኤረትሮፕ ዱሉይ ክም ህለ አትዋዩት)
- እግል አቶብዩ ምን ኤረትሮፕ አርዮምት። እት ፍንጌ ክልኢተን ለደውለት ፈረገት ክልቀት።
- እት ደንጎበ ህዩ እግል ኤረትሮፕ እንዴ ከረምከ ዘቢጥ ወአጅግሐት።

አሚሪክ እሊ መባጽሕ እሊ እግል ሰርገሎት ልትተብዑ ዐገል እሰትራተጂ እሊ ለተሌ ቱ፤

እት ሶማል ዲብ ወሬሕ አብሪል እግል ልትጋዩሰ መሰኢት ዲበ ገብእ እቱ ሕርያን ርኢሰ ፎርማጅ ለአትሐዜ ሐቆ ገብኡ፣ እብ አዘናብ ላቶም አንፋር ክምሰል ልትፈለል ውደዮት። ለቅደሩ እንዴ ገብኡ ለመጽእ ህዩ ድድ ኤረትሮፕ፣ አቶብዩ ሐቆ ሰበተት ህዩ ድድ ኤረትሮፕ ወአቶብዩ ክምሰል ገብእ ውድዮት።

ዲብ አቶብዩ፤ እት ረአሰ ሕኩመት ደቅጥ ወመሰኢት ሰዳይት፣ እብ ዓመት አትፋርሆት ወትናየቶት መጦር መጦር ክምሰል ገይሰ ውድዮት። ምን ኤረትሮፕ እግል ቲሪም ህዩ እብ ዋዴሕ አጠንቀቆት። አሚሪክ ሴድያይት ወያኔ ክምሰል ኢኮን እት ትትበሬ፣ እግል ወያኔ እብ ስያሰት፣ አላት፣ ዲብሎምማሰዮት፣ እዕላም ሰዳይት ሂበት አተላለዮት። እተ ክምሰልሁመ እግል ሕኩመት አቶብዩ ወወያኔ አትቃራብ።

እት ረአሰ ኤረትሮፕ ደቅጥ ወአክፍኦት አደቀቡት። ሐዘር አተረዶት ወእቅትሳድ ኤረትሮፕ አትሐወኖት። ዶር ናይሊ ዲብ ካርጅ ለነብሮ ኤረትሮፕን ዐንቀፎት ወመትዐዳዎይ፤ ክለን ድወል ወአግደ ህዩ እት ኤረትሮፕ ለቀርቦ ክምሰል ኢሰድዮ ውድዮት፣ ትቀደረ ምን ገብእ ህዩ ክም ልትዐዳወዩ መትጸጋም።

**አዋይን ናይሊ መጽእ ተጠውሮ፤**

ዐመልያት ናይሊ ሐልፈ አሸሁር ምሰል መባጽሕ አሚሪኩ፣ ሕኩመት አቶብዩ ወወያኔ እንዴ አትመጣወርከ ዶል ትርእዩ፣ ሰአላት ብዙሕ ለለሀርሰ ጋር ቱ። እሊ ህዩ፤

መባጽሕ አሚሪክ እግል ልትዐወት ቱ ገብእ?

ካልኦይ ገጽ ህጁም አቶብዩ እግል ለህሌ ቱ? እብ ድድ እሊ ወያኔ ኸጥ ሶዓን እግል ልፍተሕ ውብዕድ መባጽሕ ዐሰከሪ እግል ልሰርግል ህጁም ለአትብግሰ ገብእ? አሚሪክ ህዩ እግል ሕኩመት አቶብዩ ወወያኔ እግል ተአትዓርዮም ትቀድር ገብእ? አሳሰ ወአዋይን ናይ እሊ ዕሬ እሊ ህዩ ሚ እግል ልግበእ ቀድር? አው ህዩ እሊ አዜ ለህለ ኢሰላም ወኢሐርብ እግል ለአተላሌ ቱ ገብእ? አሰክ ሚ ዶል?

ለቀንጽ ሰአት ሰኔ ብዙስ ቱ። አፋካ እንዴ መልአክ እብ ተአኪደት መትሃጋይ ቀለል ኢኮን። እግል ልግበእ ለቀድር በንቡ መቃዲር ታየኖት እግል ለአትሐዜ ቱ።

እብ ወያኔ ሐቆ አንበትን፣ ለአግደ መጣልቡ፣ በህለት ዴሹ ምስል ዕንዳቄሁ እንዴ ኢልተምተም እግል ልጽንሕ ወዴሽ አቶብዩ ህዩ ዲብ ምድር ትግራይ እግል ኢልእቱ፣ እብ እንክር ሶዳን ለለአትሐዜ ጋራት እግል ለአቱ ወለአፍግር ለአለቀድሩ ምድር ወልቃይት ወሐመረ እግል ለአቅብል እቱ፣ ጠልብ፣ እሊ መጣልብ እሊ መትፈላል ድቁብ ሐቆ ኢሳደፊዩ እግል ልሕደጉ ላተ ለልትሐሱብ ኢኮን።

ሕኩመት አቶብዩ እብ እንክረ ሀለዮተ ወሀለዮት ደውለት እት ብቆት እግል ኢትትከሬ፣ እግል ሰዶደት ደውለት ለከይድ ወብቆት ዐባይ ለለአጀሬ መጣልብ ወያኔ እግል ትትከበት ለልትሐሱብ ኢኮን። ወልቃይት ወሐመረ እግል ወያኔ ሂበት፣ አቅሊም አምሐረ ወለበዝሐ ገቢል አቶብዩ ሰበት ለኢልትከቡቱ እት ረአሰ ግብአቱ፣ ኸዋ ሶዳን እግል ወያኔ ፍትሐት እግል አቶብዩ ዐባይ ብቆትቱ። እብ ዐቢሁ ህዩ ዲብ አቶብዩ ክልኤ ሕኩመት፣ በህለት ሕኩመት ርሰምየት ናይ አቶብዩ ወእብ ዐመል ለይህሌት ሕኩመት ትግራይ፣ እተ ክምሰልሁመ ክልአት ዴሽ - ናይ አቶብዩ ወትግራይ እት ህለው ዕሬ እግል ልምጸእ ወሰላም ወመሰከብት እግል ለህሌ ለልትቀደር ኢኮን።

ናይ ክልኢቶም መትጃግረት መገጽሕ ወመገደእ ድድ ሰበት ቱ፣ ክልኢቶም ለረድወ ፍተሕ አው ሐል እግል ልምጸእ ኢቀድር። ፍንጌ-ፍንጌ ህዩ እግል ወቅት ሕዱድ ለትሰረረተ አተላላይ አለቡ። ሰበት እሊ፣ ክልኢቶም ለእንክር ምን ዐዳወት እግል ልትነጀው ምን ለሐዙመ፣ አሚሪካ እብ እንክረ ክሉ ለልትቀደረ ካድም ወደቅዋ ምንመ ትወዴ፣ አዋይን ናይ ሐዲስ ዙር ሐርብ ሀለዮት ላቱ ዐቢ ቱ።

መገጽሕ ኤረትርዮ ህዩ? ዕላማታት

መገጽሕን እብ ቀደም ትሌ እሊ ለተሌ ቱ።

- ብቆት (ህሰክ) ወያኔ እንዴ ሸክክ፣ እግል ወያኔ ክም መሻቀዩ ለትትነፈዕ ዐዳወት ጋብሆት ወክም ትትፈለል ውድየት።
- ክሉ መጃላት ብከ ወዐማር ወጠን አትጋየሶት፣ አግደ ህዩ፣ ማሕበራይ-እቅትሳድያይ በራምጅ ዐማር ክም ልሄርር ውድየት።
- ምስል አቶብዩ ሰላም ሕፍዘት ወሰዳይት ዓበዮት
- ሰላም አቅሊም ወእድንያይ ሸርክ ዓበዮት

እሊ መገጽሕ እሊ እግል ሰርገሎት ለንተብው ትልም ክእነ ለተሌ መሰል፤-

- ተዩልል ወሻፍግ ተጠውሩ እብ ድቀት ታብዖት
- እግል ልሳድፍ ለቀድር ዋይዲባት እት ወግም እብ ለአቱ አግቡይ፣ መንገፎ ወጠን ለለአደምን ሐለት አዳም አዳለዮት።
- መሻረከት ወዶር ናይላ እት ካርጅ ለነብር ገቢል ኤረትርዮ ረሸዶት
- አውለውየት ለትትህየቦም በራምጅ ዓማር ሰርገሎት
- አሚሪካ ወሰብ ሸርከተ እት ረአሰነ ዋድያቱ ለህለዩ ሐዝር (ምነዕ) እብ ሰባተት ጋብሆት
- ምስል ሕኩመት ወገቢል አቶብዩ ወብዕዳት ግዋሬ ላተን ድወል መትሳዳይ።
- ምስል መሳኒት ላተን ድወል ወሕዩል ምስገዮት ወሸርክ ዓበዮት።

2. ቱለል ሐሽም
3. ቱለል ውሕደት (አሃዱ)
4. ቱለል ድዋር
5. ዐጉብ ወአትዐገቦት ነፍሰ

ዐውቱ እግል ገቢል!!

